

A BRATZUS PENDI PENDI de Raffaele Piras

Listant su pensamentu de tristùra
stèrridas arrungiòsas populàdas de chini
tzèrriat de su corpus sculau sa propriu
sufarentzia

Sunt prènas di ossàmini
e tzacadùras chi sa di allàdiat
cun pigias de soli is terras
bostas, mamas imbendàdas
de su bentu cun pannixèddus
de pruini po si spreviai
de sa bisioni de is fillus
ch'intendeis buchiai
in su sinu allacanau.
Pillonis de fogu hant fruciù
in is campus bostus privendiddus
de stentèrius de manixeddas
e tramudendi a bosaterus
in cabitzas de messai. Logu,
aundi fintzas is "prus arricus"
allòngiant manus de limùsina
e s'abètu est gioghitu 'e su bentu
chi cument'e duna, scùlat
e tòrrat a modellai. Cun cali
giustizia est stetiù pretziù
su martiriu? Ma est vida custa
chi bit is dis, ugualis e pibincosas,
apicàdas a su calendariu
de unu celu mudu e nimigu?
Est traballòsu a legitimai
arrexònis di ausèntzia e depi nai
a is chi sunt ridusius
a tenni is bràtzus pendi pendi
cument'e cambu truncau:
"No partorèis ateru axiòri!".

Sono versi intrisi di un dolente pessimismo quelli di **A bratzu pendi pendi**. C'è nell'autore la consapevolezza che nella terra inaridita dalla sofferenza la speranza è soltanto un gioco fugace in balia dei capricci del vento.